

山東府縣志輯

中國地方志集成

道光冠縣志
乾隆掖縣志
嘉慶續掖縣志



中國地方志集成

山東府縣志輯 ④5

道光冠縣志


乾隆掖縣志

嘉慶續掖縣志

鳳凰出版社 ● 上海書店 ● 巴蜀書社

道光冠縣志

(清)梁永康
(清)趙錫書
纂修



本書十卷，清道光十一年（一八三一）刻，據民國二十二年（一九三三）鉛印本影印。

冠縣志序

余承乏冠氏二載考縣志漫漶不可讀因遍訪諸紳耆家得新舊志若干冊亦殘缺難以遽理適奉憲檄赴膠西因封固手題之以俟代者閱六年晉蕃梁大令蒞任大令惻惻無華有漢吏風生平無他嗜好惟講求公事如飢渴之於食飲其治冠規模略仿於余而材力過余甚遠在冠三年興養立教井井有條中間若詳摺沙歷地畝建立清泉書屋皆與商指畫悉底厥成今年春余論及冠氏縣志之缺大令又已修有成帙出而請正余取而閱之其規條雖不外舊志而舊志所不應有而有者悉刪之舊志所應有而未有者悉補之體裁正大而考據精覈真冠氏良史也大令冠縣志序

復約秋初來省而商未信者數條不意未及期而大令忽病不起余重懼冠氏徵文考獻之書既成而復散佚而大令數年精力瘁於是書未得親見其成爲可惜也爰再爲閱正付梓以完大令之志並使大令之有功於冠氏者永垂不朽云

道光十年秋七月山東按察使漚巨橋李文耕撰
余忝陳東臬愧謏陋無以爲報稱惟懷恩作勵寅恭勉期循卓庶藉以一二寡過如梁大令者指不多屈也乃竟以一邑宰終卽其設施於冠氏者亦未竟所爲因敘冠志不禁長太息蓋不止爲梁大令一人惜也

重修冠縣志序

冠志之闕略非一日矣東漢末劉叔林以忠諫著元魏而降路氏最顯唐路安期父子濟美元初元遺山輩英賢流寓皆略而不載蓋明以前無志也嘉靖間邑令姚公本乃草創之而其書不傳萬歷已酉談公自省始有成書我

朝康熙庚申錢公霞復增益之一邑之文獻賴以不墜厥後虞公際昌毛公覲文雖稍有修輯不過誌其興工記事之文而於政治人物諸大端則語焉不詳也迄今百五十餘年天道變於上人事更於下歲時之贏歉政事之興除以及官師之遺愛閭閻之潛德其湮沒者何可勝道丁亥夏由清澤調蒞是邦檢閱舊刻復失三分之一於此而欲徵文考獻修廢舉墜焉得不以志爲先務哉顧

簿書鞅掌匆匆未果邑紳趙君錫書由元謀令歸老於家己丑冬出所藏談錢二志以示余爰就而咨訪軼事蒐討遺文適其仲嗣汝誠設帳署中庚寅春復延聊城葉子錫麟於館同任分校靡不樂襄其事余退食之暇與君參互考訂正其綱疏具目舊者補之新者續之凡五閱月增十之六七稿既出請正於廉訪李復齋先生以先生前宰冠時欲修志而未遑也猥蒙許可新志於是乎成夫古人者今人之鑑也前事者後事之師也余承乏三載政化未行媿無以爲志乘光竊願閱是志者觀地輿以厚風俗觀建置以慎封圻觀食貨而勤農功觀學校而端士習觀典禮而知神人之

宜和觀選舉而知名實之宜副觀職官而吏勉循良民思忠敬也
觀人物而士先德行女慕貞潔也觀藝文而不詭於正學觀雜錄
而不惑於邪說也是則冠人士所當共勉而亦余修志之願也夫
至若兼三長而備五難則余與二君均謝不敏矣修飾潤色是有
俟於後之博雅者是爲序

時

道光庚寅五月下浣知冠縣事靈石梁永康詩菴氏謹識

冠縣志序

重修冠縣志敘

昔孔子惜杞宋之無徵而歎息於文獻之不足文存獻者也獻存
文者也志之興也其於史漢乎志也者文史上之支也郡縣義不
得作史然莫不有志志也而上自天下訖民物中自歷代興衰
沿革之故與夫賢人君子道德文章之盛忠臣孝子匹夫匹婦之
奇節庸行莫不咸載則志也而史備矣不綦重歟庚寅秋余奉檄
攝冠事走辭於廉便復齋先生出一編授余曰此冠志也昔
余欲修之而不果更數年得梁君成之方寄示余而梁公遽謝
世今以付子余謹受書進冠士人而問志事則冠故無志也有之
自前明鄉大夫杜趙二公與邑宰談公始故謂之談志我

冠縣志序

朝康熙間錢虞諸君相繼修輯雍正而後未聞嗣音蓋缺如者百
餘年矣冠於是復無志復齋先生以道光元年宰冠訪求殘帙修
輯之志其銳尋擢去未及也後數歲荒吏民咸不暇又數年民氣
稍復而前尹晉藩梁君適重修舉百廢始議增輯與採訪者十有
六人蓋梁君實主之而邑紳趙西樵喬梓與聊城葉君雲台皆博
學工文會稽陳君小簣復曉暢吏事相與搜羅潤色闡幽發明皆
萃成編燦然略備而冠於是復有志焉然方梁君之用脫稿未及
梓而刈也冠之人咸嘆息以爲甫有者之將寢爲無也及余至問
修志事亟謀剗刪乃色然喜虞民趙孝廉復董其事招集舊侶雲
台聞之亦欣然自聊來會更加審定籌營付梓凡兩月書成而余
未嘗有力焉冠於是乎信有志矣此固復齋廉使十餘年來之所
目營足企遙聞而一快冠人士之所日夕引領而幸底於成而晉
藩梁君與談錢諸公不朽之魄所爲先後經營而欣慰於地下者
乎惟然有亦安足深恃夫冠故無志非無志也先曾有而後乃無
也談杜作則自無而之有錢虞沒則自有而之無今幸有廉使唱
之於上梁君應之於下又有趙氏父子之賢葉陳諸公賓友之勝
復自無而之有矣然猶歷十數年而後成自今以往更數百年
不有君子安知有者之不復卽於無乎是所望於後賢也夫噫天
下古今成敗之數生人興替之端胥由是矣豈獨一志也夫
道光十年冬十有二月知縣事大竹王懷曾魯之氏謹題

冠縣志序

邑志之缺略久矣余少壯時頻客於遠雖有志未遑也老而游滇仕三年解組間取舊本觀之較前殘闕益甚歲庚辰今廉使李復齋先生來宰邑事憫舊志之蕪而久無續增也欲偕余共爲考訂乃未幾而擢膠牧以去嗣宰邑者爲山右梁壽菴先生蒞任三年而有事於志乘搜闕遺勤採訪參稽羣籍斬成完書延余至署詳加核定余惟邑之有志卽郡志省志一統志之稿本也上職其要下職其詳各爲義例不相兼也今草創雖就而容有缺佚且去取詳略宜歸畫一方欲與先生逐條酌議而先生遽以疾終於郡城先是清稿已送廉使署復齋先生亟稱之遽欲就省付梓余以工

冠縣志序

五

費宜出邑人因與同志者商所以付剞劂會西蜀王魯之先生來攝邑篆惜其將敗於垂成也爰命鳴工凡五閱月而竣事吁此可以見歲事之難矣余自少壯卽志於此今且八十有五歲十年前與復齋先生商之三年前與壽庵先生道之越兩載始克纂定之而後乃卒賴魯之先生刊成之例廣事增斐然就理而典故之賴以維繫與士女之賴以闡揚者皆於是焉託豈直有光於前人已哉惟是復齋先生移節黔中以是書爲念壽庵先生釋將西旋其家人亦快于先覩故刊刻稍急恐不免焉烏亥家之訛然竊謂天下事思無其基耳今既克歲其事後有欲爲修輯者其得不以爲前事之師哉 時 道光辛卯春月邑人趙錫書西樵謹序

冠縣志總目

序文

纂修姓氏

凡例

原序

原修姓氏

地輿志卷之一

沿革 星野

疆域

山川

古蹟

風俗

建置志卷之二

城池 公署

里社 鎮堡

市廛 橋堤

坊表 郵遞

冠縣志總目

營伍

食貨志卷之三

戶口 田賦

倉儲 惟稅

鹽法 物產

學校志卷之四

學宮 祭儀

學額 書院

附註

典禮志卷之五

壇廟

公式 郵政 官制

職官志卷之六

文職 武職

官績

選舉志卷之七

徵辟 制科 附貢生 武科 仕籍 候選 封贈 捐職

人物志卷之八

鄉賢 卓行 忠勤 孝義 文學 儒寓 列女

藝文志卷之九

傳記 表詩

雜錄志卷之十

校祥 紀變 異聞 仙釋 著述 塚墓

冠縣志 總目

二

纂修姓氏

按察使李復齋先生鑒定

知縣靈石梁永康纂修

知縣大竹王懷曾增修

邑人趙錫書同纂

分修

湖州陳垣 靈石梁永魁

聊城葉錫麟 邑人趙汝誠

參校

莊平孫欽若 邑人李至 錢芳清 趙汝毅

冠縣志 纂修姓氏

採訪

聊城梁任

邑人趙錫祜 申世樸 郭培址 孫友清

李學禮 趙錫祿 邱金鎔 馬雲行

齊秉雲 錢芹生 郭培琛 馮府慶

馬允元 朱光岱 吳錫熊 郭宗嶽

葉敬修 張元興 李貴時 潘廷榮

劉學文

監刻

典史張世佑 邑人申開甲 錢悅楓

冠縣志凡例十則

一邑志修於前明萬曆己酉越我

朝康熙庚申重修厥後雖稍加增輯而疏漏滋甚迄今百五十餘年積歲既久載記缺如是編嚴定體例遠考旁搜雖曰續修實與創始無異

一冠氏見於春秋傳自漢以降或名清泉清淵或名陽平通志以爲館陶縣地大都錯壤於臨清館陶莘縣之間至隋析置冠氏而後經界始正是以舊志所載陽平清淵人物悉仍其舊未敢臆爲去取

一舊志田賦下有支解各款久經裁革今悉刪除照現行則例

冠縣志凡例

開載以省繁文

一學校內祭器樂章經籍郡縣所同不妨從略至書院義學興廢靡常詳志之以示來茲現奉

廉訪李復齋先生商定條規故備載入

一舊志建置歸入地里併典賦爲一志而以古蹟校祥紀變異附附於人物之後殊乖體例今分列十綱綱各有目以期條縷分明

一舊志職官內如李希愈韓鵬據元好問墓志均係華人贈冠州銜並非責任甚去官績綴於各姓氏下有失體裁今另開列

以資眉目

一舊志人物僅載前代鄉賢而以路巖爲首查唐書巖之父羣有名望巖爲相奸險詳略殊失其當故改立羣傳而以巖附之

此外有賢而未及祀者列入卓行次則曰忠勤曰孝義曰文學姑就其人行誼類分之並非臆爲論定至元遺山商左山諸先生游於斯土名流遺迹井里生光又別爲僑寓以附其後

一舊志節孝僅載十餘人非旌表者不入而窮鄉下里貧而無力湮沒多矣廉訪李復齋先生前蒞斯邑多題額獎勵余踵而行之計先後給匾者百餘人訪查既確統爲載入多存一人之姓氏卽少慰一人之苦節以重閭幽之意

冠縣志凡例

一舊志藝文如元遺山碑記題詠闕而不載而前任興工紀事之文連篇累牘今刪汰其不雅馴者祇存修工年月於建置之內而以名賢各篇袖入

一校祥紀變異聞仙釋信以傳信疑以傳疑蓋志之餘也今並著述塚墓附載其後姑列雜錄一門以別體裁

愚觀武侯平明之治而有慨乎中也使上之人明白洞達無匿乎其下下之人曉然知上之意旨而羣赴之虧羨無所踣於數仁鄙無所詭於情細大無所易於貌進退無所淆於程斯不亦蕩蕩平平之莊衡乎最爾冠固昔封國之不成子也土田狹易顧戶口渺易算也簿書省易稽也高無膏薄之叢汗無荏蒨之衆民寡作奸犯科者易數也且夫冠東爲齊南爲濮濮固衛之濱也西爲魏其風俗類之齊不類其夸捷類之濮不類其廊蕩詩之有魏也序詩者謂其土狹而民儉過而入於編夫編與裔響之細也今之冠是也問俗者謂其風淳篤而勤本業訟許視他邑簡甚子承乏以來冠縣志原序

士民安予之拙而予亦樂夫人之不吾齎也問問之智不耀也談談之語不飾也慷慨之德不市也雕模然後鑿之雕卵然後淪之亦相御於靡靡者匪賣力不給亦非好也民畏爲吏即爲吏舞文者希矣如是而何難知之有更爲之邑志以相示也問疆域幾何城池幾何四境之道里幾何則地里有志矣問力而差者幾何人田籍幾何糧畜馬幾何頭則貢賦有志矣問昔之叢蠹而與訴者問能陰吾民者問誰師表之何鑒何法則秩官有志矣問巨室何姓之族也策名王室何途之從也貞而義者何迹之標也其旌於朝於當途者有乎則人物有志矣問長吏歲時所宜舉賓客之交故何視禮而祀者孰在祀典也則公式有志矣問卒然之變遵何

術扞之則災祥義倉兵旅又靡不并取其辨者而尤要在貢賦此志出也官欲加之額以外而不能斲其民吏欲稍增減窟其中不能掩其官民欲勾吏爲奸而無所逃於籍平明之治可得而興也草創於邑大夫杜公自冉驪函而致之大備於邑大夫趙公稽據無所漏考之邑署問之給紳往來過吾冠者欲後之明白而易知不得不致詳焉耳而予因是得展其四體撈其志意以與吾民通或者少道於展乎其因是以謄來茲則尤杜趙兩公之惓惓愚不敢冒矣

原序

杜華先

汝南王君一日過余抵掌譚時事余未嘗不稱善也侯璽璧曰不冠縣志原序

佞於冠氏無所當顧冠氏志業六十載於茲自惟文獻缺然無以從先大夫今以累子子豈亦有意乎僉唯唯謝不敏俟掉頭委重去京口談君繼侯爲政業二載於茲又中巽命則余何敢無說而處於此夫冠氏即踞齊右故梁徙也以故或爲晉或爲魏或爲趙或爲衛攝乎大國之間而從於強令倖如黑子之著面然耶官出宰上應列宿疆場之事一彼一此陶虞邈矣猶考信於三伐作星野建置志馬頰故道依然禹迹焉用深山以生龍蛇王公設險溝池爲固城復於隍斯上哲之所履霜而戒也作山川城池志上棟下宇蓋取諸壯自一命而上內外異宮苟能比其官政將鬼神在上實式靈之作公署祠祀志惟是不腆土田令與承若尉瓜分而

食之廣厲學官母亦將士是訓定若觀風者不惟順流與之更始瘠土之民誰其向義者作秩官師儒風俗物產志生齒日繁土利不能給口分即部使者暨諸大吏冠蓋相望不憚徵發以來會歲事釜鍾銖兩用百責於奔走亦惟是賦亦惟是役是程是藝足以共給王事而已有司豈有賴焉作戶口田賦馬政志文物翔治豪傑代起里選射策之制興焉德厚流光才高負俗非此其身任其子孫昔人所稱光遠而自他有耀者乎作人物選舉志封志古者三年大故君命不過其門所以教人孝也女有保若傅居不履閭行則擁蔽其面末世各惟其性所近信心而行亦足術也孝婦寬而三年早節士獄而六月霜誰謂天遠其應乃如響作節行校祥冠縣志

原序

志仲尼沒而微言絕九原可作即爲執鞭所深願焉一邱一壑從吾所好此達人之所珍非以爲富貴容也作古蹟志蓋臣錯采動爲物先勒之金石足稱不朽其他屬詞比事觸物暢情所獨至者將俟知已於千載作文藝志先鄙人也文質罔所底徒以二君之命匪勉卒業竊恐事多抵牾詞不雅馴以干覆誦之誚桓君山不云乎彼生見楊子雲名位容貌無以喻人誰謂重其文者夫子雲於文自其天性尙不能貴重於世況在不佞又安取此其以爲冠氏輕也然則修飾潤色誠有賴於諸君子云

原序

錢 霞

自司馬龍門有八書而孟堅氏易之爲十志每記一事必核其終

始此志之所由名也由是而降有邑志有郡志有省志合之爲統志凡成一代之史者必羅取以備考蓋史官所職者不過起居實錄而外志所載者條分縷析各極其詳故可參伍錯綜以爲國史所依據也然則志之爲事重矣冠氏當兌翼之間其見於春秋者爲魯邑地無名山大川異人傑士然而詩書禮樂之風纖紆耕耘之業其俗固彬彬也余下車之日披覽志而反覆焉問其前此之養民者社倉何在也問其前此之教民者書院與社學又何在也則爲墟矣問其前此之官於斯及生長於斯者爲賢與爲否不能對問其昔之民何以家給而繁庶今之民何以縣弊而流移昔之賦何以留於下而彌見其有餘今之賦何以裁於上而愈形其不足亦錯口而不敢道也是無他在明之季凶荒游臻寇氣時儼戶口僅存者十之七

冠縣志

原序

本朝鼎革以來民氣漸復而四征弗庭河決未塞轉輸供億無不於民是問此其所以異於昔也顧今弗深考而耆老無聞載籍湮沒後之欲修是志者其孰從而問乎余故上下七十餘年之中周咨徧訪其人其事雖不盡悉要以信而有徵斯錄於簡傳聞溢美略而弗登其或始有今無仍存其舊蓋昔人之用心有不可泯沒者在也類而輯之斷焉復續亦古今得失之林也何渠不可以示後哉夫密與中牟非大邑也卓魯之政非果絕遠於人也今聖天子亟選循良勤勤懇懇而拊循斯民未底於治卽余承乏斯

士不敢以負所學者負吾民而撫時返德不啻徑庭職何故與大抵富而能教必在寬徵令簡易行庶成善俗故必吏治蒸蒸日上而後民安物阜也豈是志者究其興革之由審其張弛之用可以油然而興矣

原序

康熙三十七年

虞際昌

冠邑志創自萬歷時談侯閱七十餘年起巷錢君踵修之又幾二十年而及余余距錢君時不甚遠屬今海宇承平無大興革非好爲是以弋名也

國家文教事興尊崇聖賢鉅製彪炳煥爛余小臣職守茲土敢不纂輯以敬揚天休又其間賢諸生淑節儻行應時而顯運

冠縣志

原序

會隆盛文物茂著不以年近而可略也且凡物之興廢成毀相循無窮亦各有數焉自蒞任以來其日煩余目之所營心之所費者不一於是又何可缺焉弗詳乃徵舊志蒐網見聞彙萃時事而間補其缺軼實諸邑士大夫僉曰善遂以授梓公事之暇披編流覽則全城如故四境依然民物之生聚風化之推遷倦倦於中不能自釋因念令爲親民之官食租衣賦長養子孫此邦之人疾痛憫愈宜如身之休戚親賢而早覺之去所惡求所欲悉徹其不言之隱庶於心可無憾豈惟聽斷不倦奉文守法之惟恐或後遂謂謝稱良吏哉至於城倉學社橋梁道路以及村堡廬井之屬猶治其家之堂與垣墉雖一木一石之細殫心經理莫不有法則若者宜

設若者宜修若者宜更制易輟圖刊於民人毋違其私智是則政之善者矣實是志者豈敢以最爾邑不爲之盡心於其所乎

原序

康熙四十七年

毛觀文

志者載其實也不實不可以載之實不可以不載之不實而載之飾也實而不載之略也余於乙酉七月視篆冠邑乘歷年水潦災傷之後地方之凋瘵未起百務廢弛自午迄申三年之中宰是邑者正署凡七易其人冠之令幾不可爲矣予以疏拙之性謬膺斯任惴惴焉惟以實心行實事幸冠民安予之拙而樂予之誠也於茲五年矣歲皆有秋前年禾秀多歧達於九重今年又得雙歧三歧者數十本上呈

冠縣志

原序

御覽粵稽冠志數百年間亦止再產嘉禾一見於嘉靖二十二年一見於萬曆三十一年今乃得見於三載之中非我皇上聖治感召何克臻此而生齒日繁人文日盛風俗日淳事之廢者以興墜者以舉凋瘵之氓漸有起色而四郊樂業億兆平康苟不爲之載諸邑乘何以揚盛美耶

舊志修輯姓氏

明萬曆己酉年知縣談自省纂訂

邑人杜華先 趙光遠 曹昕

錢允燦同編

教諭楊正榮 張東明

縣丞尹 理典史陳繼業同校

國朝康熙庚申年知縣錢 霞增輯

教諭葉 葵訓導劉繩修

縣丞邱凌臺典史潘 鉅

邑人常志琨 馮 標 郭 瑤

冠 縣 志 舊志修輯姓氏

王邦修 趙禹揆 戴沐澤

胡繼儒 繩天倫 丁 鎮

趙亮采 胡仙授同校

康熙戊寅年知縣虞際昌增修

教諭張令璜

邑人常志琨 劉廷標 丁 鎮

周德新 胡仙授 李尙仁

袁晉錫 錢 霰 張全禮

馮 垓 劉 梅 黃 炯

岳文煜同校

曲化翔 趙 濤 馮孝德 安元斌

韓應運 趙之琦 蔣憲臣

康熙己丑年知縣毛親文增輯

教諭王 溥 典史陳淑義

邑人常志琨 馬 馴 胡仙授 劉夢麟

郭金英 李尙仁 井達宿 黃 燦

曲化翔 周德新 馮順德 許永年

趙 濤 高志炎 喬世濟 袁晉錫

錢樹儀 張全禮 安元斌 馬 驊

丁 鎮 鄭 溥 趙楚齡 錢樹聲

焦鳴鳳 吳宗周 吳 珠 馮 壁

岳佳年 錢樹極 潘維誠同校

冠 縣 志 舊志修輯姓氏

冠縣志卷之一

地輿志

周禮職方氏掌地域廣輪之數冠在唐虞三代地屬冀州
春秋為晉冠氏邑嗣是或沿或革厥名攸殊然星野之棋
布山川之綿亘古蹟具存按籍可稽若考土俗驗民風登
以備輶軒之採擇云志地輿

沿革

唐虞三代冀州之域春秋時晉冠氏邑左傳齊為衛故伐晉冠氏
史記周威烈王十三年齊伐晉毀黃城括地志黃城在冠氏縣南
十里因黃溝為名三家分晉屬魏威烈王二十三年趙敬侯敗魏
冠縣志卷一

於黃城又屬衛周顯王三十七年趙肅侯圍衛黃城不克

漢清淵縣屬冀州魏郡

東漢陽平縣

晉清泉縣屬司州陽平郡

北魏清淵縣屬陽平郡

北齊清泉縣

隋開皇六年始析清泉地置冠氏縣屬魏州大業初州廢改屬武
陽郡

唐初屬毛州貞觀元年毛州廢省清泉縣並入冠氏縣改屬魏州

隸河北道

五代屬大名府

宋屬大名府隸河北東路天雄軍

金屬大名府隸山東西路

元屬東昌路至元六年升為冠州

明洪武二年改為冠縣屬東昌府

國朝因之

星野

淮南天文訓曰虛危齊營室東壁衛胃昂畢道

地理志曰趙地昂畢之分野也東有廣平鉅鹿清河河間南至浮
水繁陽內黃斥邱皆趙分也齊地虛危之分野也北有千乘清河
冠縣志卷一

以西有濟南平原皆齊分也衛地營室東壁之分野也今之東郡
及魏郡黎陽河內之野王朝歌皆衛分也

明史天文志載洪武十七年清類天文分野書云女二度至危十
二度元枵之次也高唐州危分危十三度至奎一度謙營之次也
山東東昌府之濮州館陶冠臨清三縣皆室壁分胃四度至畢六
度大梁之次也恩縣昂畢分

以上志

天文志象緯考角亢氏三宿屬兗州東郡入角一度東平入氏一
度班固取三統歷十二次配十二野其言最詳魏太史令陳卓更
言隣國所入宿度自軫十二度至氏四度為壽星於辰在辰屬兗
州自柳九度至張十六度為鶉火于辰在午屬三河府志謂冠屬

司州司州屬周三輔地北得冀之河內河東其在天文柳星張三度爲周三輔之分野考晉天文志河東入張一度河內入張九度冠在張度中明矣郡志謂冠屬衛分野

漢志

論者以百里之墟上合星躔泥也舊志冠屬柳星張三度爲周三輔按天文柳赤道十四度黃道十五度星赤道黃道皆七度張赤道十八度黃道十七度分野屬周三河豈三輔卽三河耶三度疑當改爲三宿安有柳星張僅三度乎郡志冠屬衛分野按天文室赤道十六度黃道十八度壁赤道黃道皆十度分野屬衛并州與柳星張屬周三輔不同邑人趙禹揆辨之綦詳總之主占候者往往執古今銖黍而測之雖時有驗有不驗然失冠縣志

卷一

星野

三

之鑿者不一而足楊子雲曰史以天占人聖人以人占天守土者誠能盡人事俾無缺失則邑之休祥災眚可以感召補救雖勿問占候可也

疆域

縣志在府西一百一十里東西廣五十里南北袤五十五里

東至縣屬賈鎮三十五里與堂邑縣界至堂邑治七十里

西至縣屬唐寺村十五里與館陶縣界

南界朝城縣井樓村二十五里至朝城治一百三十里

北界館陶縣萬善村二十五里至館陶治四十里

東北至臨清州治一百一十里

西南至直隸大名府治七十里

東南至莘縣治七十里

東北至省城三百三十里達京師九百四十里

河北四鄉距縣城一百三十里與臨清邱縣直隸威縣清河南宮

曲周諸縣犬牙相錯

形勝

河流膏潤卽唐志之類津土宇豐饒本晉國之冠氏

山川

兗山金史地理志冠氏縣有兗山疑卽古兗中左傳齊閭邱嬰出奔行及兗中按今東南鄉爲兗山鄉

冠縣志

卷一

形勝

四

黃河故道俗名老黃河自直隸元城入縣界循陳公堤而北徑館

陶至臨清踰會通河歷夏津恩縣下流至海豐大沽入海

屯氏河故道在冠州東南三十里上自朝城大王寨流入東行稍

北入堂邑界又州東二十里有故河道廣闊與大河等而差平淺

南與大河相屬北行稍東亦入堂邑界卽古屯氏河也

縣志

沙河古黃河支流自元城入縣境歷館陶至臨清徑夏津之牛蹄

窩流入運河

馬頰河自朝城之潘家莊入莘縣界東化流三十九里至兗山廟

入縣界又東北徑吳莊寺入王家海

縣志

六

里內

入堂邑又東北行七

十里入運河

清河一名淇水一名白溝一名永濟渠一名衛河淇水東過內黃縣南爲白溝屈曲從縣東北與漳水合又東北過館陶縣北又東北過清淵縣西又東北爲清河水

淇水自宿胥故瀆又東北流謂之白溝自趙城又東北徑空陵城西又東徑喬亭城西東去館陶縣故城十五里又屈徑淇縣北又東北徑平恩縣故城東縣故館陶之別鄉也又東徑清淵縣故城西又歷縣之西北爲清淵故縣有清淵之名矣世謂之魚池城非也又東北徑榆楊城北漢武帝封太常江德爲侯國文穎曰邑在魏郡清淵世謂之清淵城非也水

古堤一名金堤一名太黃堤自冠縣鴨窩村隨家堤口入境歷邱

冠縣志

卷一

山川

五

縣境東北至臨清李家倉逾會通河而北至柴二莊入夏津境歷趙家溝韓家侯家張任家等堤繞夏津東南兩門東北歷三家堤唐家堤至桑家店入恩縣界按古堤或謂之絲堤實字記絲堤在歷亭東三十五里是也而恩縣及臨清亦謂之陳公堤謂宋時河北轉運使陳堯叟所築以障黃河未知孰是一說

按屯氏古河久已淤爲平路惟沙河馬頰河尚有形迹而下流又淤塞不通雨潦稍盛流沙衝溢以故近河之地多被沙壓衝河經縣西南之班家莊南滿蔡新莊等村入南館陶通漕濟運一遇氾濫東堤決口直趨冠境冠本平衍城鄉屢受其災乾隆二十二年河決於元城縣小灘鎮之南邑令史載魁於堤下買

地一段取土堵塞而水勢浩天下流不能容直冲沙河一道東北至館陶之盤杆城當時聞取土處立有石碑嗣後屢次衝決道光二三年復決大溜東奔經馬頰河逾府坡入於運河東郡州縣被害尤甚亟應及時補築堤口以資宣防惟界在兩省事關漕運非大員會勘入奏未易籌辦也

古蹟

周冉子仲弓墓按元和志在冠縣北二十五里永樂大典云在冠縣南一十里舊志云在冠縣西北二十里墓前有祠創自宋元正德八年副史王金重修曹縣東北五十里亦有仲弓墓俗呼爲冉垌一統志兩存之又按曹縣東北五十里冉垌集有塚乃秦相魏

冠縣志

卷一

古蹟

六

冉墓非此也見水經注太平寰宇記

黃城括地志故黃城在魏州冠氏縣南十里因黃溝爲名一統志

黃城一名黃壘以黃河故

弇山泉在弇山鄉郡志弇山在莘縣北四十里後魏孝昌二年泉

忽湧出下有碎石號弇山泉宋趙瞻治莘橋雨輒應

冠氏城在縣北春秋時晉邑隋置縣通志

喬亭城在縣境水經淇水北徑喬亭城酈注東去館陶縣故城十

五里即春秋所謂冠氏也

仙姑塚在縣城西元兒莊相傳古仙女會曹希蘊之藏土阜存焉

人有謂爲魏武帝妃郭氏者有傳

唐恩公塔在縣治西爲級十有三高十餘丈恩公和尚建今廢縣堤寶宇記在歷亭東三十五里恩縣臨清謂之陳公堤謂宋時河北轉運使陳堯叟所築以障黃河

文杏堂在冠氏趙家莊有名賢題詠見一統志今廢有杏園舊志敬簡堂在儒學前仲弓祠天順二年訓導徐節建大理少卿李晟記今廢

巧姑泉在冠氏北四十里亦曰巧女泉舊志

清淵泉在臨清縣清水鎮今州東四十五里見永樂舊志按清水鎮今爲冠縣地即故清淵縣

八景

冠縣志 卷一

拿廟靈泉

文杏詞壇

衛河新漲

木棉花市

魁樓聳秀

絲堤春柳

仙家傳奇

鶴署古槐

風俗

河北路繭絲織紵之所出人性質厚少文多專經術大率氣勇尚義號爲強枝宋地

人多讀書男勤耕播女勤紡織人知孝義喪祭以禮舊志

土薄俗儉大類莘士風稠儉耻尚艱難買鎮清水舊稱名區列隧

微儉其俗纖巧逐末多衣冠之族

正月朔宗黨親友交拜是月十四十五十六夜城郭鎮集張燈慶元宵以樽俎相集清明以牲醴祭祖塋標揭楮錢長幼皆至感憤

永思有事死如生之義午日以角黍執扇重陽以花糕衣服相饋十月一日以牲酒送冥衣於墓而火化之冬至親友交拜以謝歲事其禮如正朔而殺舊志

姚本曰冠婚喪祭先王制有定禮通禮儀節及溫公雜儀皆有家用之常體不可一日不修者學者固知所考而行之矣但訪冠禮行之者少殊不知古人重冠責成人之道將教以爲人子爲人臣爲人弟爲人少之行容體辭令之所由事業之所出也惟吾民慎所從違子年十五以上俟其能通經訓粗知禮儀然後冠之一一如禮使三加之義不爲空談則觀感奮發而人皆淑儀敦行矣婚禮以正以時合二姓之好所以事宗廟而繼

冠縣志 卷一

後世故君子重之吾民凡嫁娶以禮不可奢縱以事美觀詩曰無非無儀唯酒食是議無父母貽罹此至論也若求婚先富娶婦論財吾不知之矣喪禮浩繁哀戚其本緩於實而急於文古人所以慎終追遠果如是乎吾民當哀毀於禮餘則稱家有無不必勉強無財不可以爲悅是已若楮錢相資其義本善惟在量力從事切不可尚枝葉之華而入奸貪之構若夫較計於報施之節則偷矣祭本孝思而表誠敬禮莫大於此者苟敬自中出雖水果菜羹可用享焉否則雖太牢無益故休惕之心若將見之感憤之心非其寒之謂也朱子喪禮本之溫公而祭禮則兼用程伊川氏大抵略浮文敦本實士君子之所素講也吾民